

I	Mag. St. AC	P
---	-------------	---

*acutus*


*Temberski Stanislawi Exanimis umbra  
in exequiis Jacobi Najmanovici*

PANEG. et VITAE

Polon. 4 to

№ 597







# EXANIMIS V M B R A.

In Exequiis

*Perillustris & Admodum Reuerendi Dñi,*

IACOBI NAYMANOVICII

I.V. DOCTORIS, ac PROFESSORIS,

CANONICI CRACOVIANI:

Archidiaconi Pileceñ.

ET

In Alma Vniuersitate Cracouiñ.

GENERALIS RECTORIS.

A

M. STANISLAO TEMBERSKI,

*Contubernij Philosophorum Seniore,*

Inter communem maiorem

DE L A T A.

---

CRACOVIAE.





*Perillustribus & Adm. Rndis DD.*

D IOANNI SKARSZEWSKI  
D. LVCAE ZDROIOWSKI  
D. ADAMO OPATOVIO

Ecclesiæ Cathedralis Cracouiens. Canonicis,  
Vltimæ voluntatis Executoribus.

NEC NON

CLARISSIMO VIRO,

D. CHRISTOPHORO NAYMANOVICIO,  
Medicinæ Doctori & Professori, Consuli  
Cracouiens. 174891

M. STANISLAVS TEMBERSKI. S. & P.



**E**xcidit è Corona Vestra gemma incomparabilis, Perillustres & Adm. Rndi, DD. cuius casum non modò Vniuersis Ordinibus Almae Domus Iagellonicae, sed & Amplissimo Areopago Vestrarum Reuerendarum Dominationum, æcerbum accidisse reputo. Ereptus siquidem immortalis vitæ Dignissimus Vir: qui ad consilia sua accedentibus, & Iurisdictionis Rectoralis vela subintrantibus, aquam præbuit mentem. Ereptus præcipiti impetu fati, intra exiguos dies, præter omnium spem. Horam enim vltimam (teste D. Gregorio) Dominus noster voluit esse nobis incognitam; vt semper possit esse inspecta: vt dum illam præuidere non possumus, ad eam sine intermissione properemus. Cuius animam vt Deus Opt. Max. adnumerare Ciuibz celestibus non dedignetur, indefinenter eam fatigare precibus sumus obligati. Quia verò hic Vir ob maximam distantiam iudicare nequit, rectè ne animus meus in perstringenda vitæ sua lineâ processerit: Vestris Rndis. Dominationibus, vt pote Executoribus, hanc Exanimem Vmbra animi ipsius, submisit dedico: habens in votis, vt Deus Opt. Max: Vestras Dominationes, & Peraugusto Capitulo; & Reipub. literariæ; quàm diutissimè incolumes foueat ac proficeret. Dat. è Contubernio Philosophorum, die S. Mansueti. Anno Dni, 1641.



## Exanimis Vmbra.



Vem Ampliſſimum Eccleſiæ Cracoui-  
ſis Capitulum, ob vitæ integritatem,  
animi candorem, ſermonis pruden-  
tiam, magno cum ſolatio intuebatur; &  
Alma Academia, ob labores peruigiles,  
ſedulitatem prouidam, eruditionem  
præclaram, ſummo affectu venerabatur;  
cuius ad conſilium prudens, non tantum Iuris Canonici  
aut Ciuilis per ætatem rudes Tyrones, ſed Regni quoque  
noſtri Viri graues, Magnifici Heroës agminatim conflue-  
bant; cui exporrecta & exhilarata fronte, in præmium vir-  
tutis non vulgares arridebant honores; qui Reipublicæ  
literariæ diſceptationes arduas, definire, ſopire, compla-  
nare, proſperis cum ſucceſſibus ſolebat: cum, Viri Huma-  
niſſimi, improuiſo conditionis humanæ decreto circum-  
ſcribi, vel potius ineuitabili fato, à conſuetudine mortaliū  
remoueri, Virum Eccleſiæ & Academiae apprime neceſ-  
ſarium I A C O B V M N A Y M A N O V I C I V M  
nonne iuſtis lachrymis proſequemur? Quod ingenti cum  
dolore piſſimè fieri video, cum ad communis mæroris  
contestationem, pro quiete æterna ſpiritui ipſius impre-  
canda; non ſolum Diui Venceſlai Cathedrales Præſides;  
ſed etiã Muſæi Jagellonici Cuſtodes, in frequenti coronâ  
commeaſſe cerno. Fateor; valde miſerum eſſe, ſingula-  
rem amicū ex arctiſſimo vinculo amicitia, in regiones  
longinquas euocari; miſeriùs eripi; miſerrimum orbari Vi-  
ri inſignis dexteritate, candore, ſolatio, ope, decore, quæ



omnia Deus Opt: Max: pectori verè ad regimen Academicum efformato, IACOBI NAYMANOVICII, larga manu, impresserat & indiderat luculenter. Etenim hic, qui animum cæli & terræ Principi reddens, defatigata corporis terreno principiorum genere confecti lineamēta reliquit, omnes suos neruos, non priuato, sed publico vsui dicabat; publicè pro Dei & Ecclesiæ honore, corde flagranti zelo Domus eius, decertabat; palàm mores, & durioris cœuicis animos humanos, metamorphosi cœlitus sibi tributa, ad regulas conformes viuendi reuocabat; publicè ambitionis & superbix semina, conculcabat; publicè amicorū & inimicorum votis, prodesse studebat; publicè & Capitularibus nodosis negotijs, & Academicis immunitatibus, erecta mente attendebat. Sed dum ista glomo tenuis dictionis meæ inuoluo, mirabitur quispiā; quī ipse talia attingens, non verba singultibus commisceam; quū Vos, quotquot ad parentalia soluenda & Collegæ, & Amico intimo concurristis, demissis oculis lachrymas hinc & inde cientibus, propter migrationem Familiaris Vestri eas in oras, quas, qui è vita pia excefferunt, felicissimè incolunt; obstupefactos & consternatos videam. Verū enim uero cum hic sit communis & quotidianus euentus, leuandum aspectum vel potius luctum putarem; ad intuendam Viri Clarissimi laboriosam vitam, qua in Augustissima Diui Stanislai Sede, & Lyceo nostro Regali, tanquam Sydus micantissimum prælucebat.

Atq; vt inde elinguis dictio mea primordia sumat, unde hic Professor Doctissimus meruit amplissima encomia: videre mihi videor, vniuersas cogitationes IACOBI  
NAYMA.



NAYMANOVICII eò intentas fuisse, quò patrium  
solum, non exotica tantum, sed & domestica studia, ab Ef-  
fectore vniuersorum Deo amplificata; iter rectissimum,  
secundùm statuta conformia vitæ honestioris traducen-  
dæ, monstrabant, pandebant. Deligebat enim ille sem-  
per, eam viuendi rationẽ, & intra penetralia cordis diligen-  
tius examinabat, quam Pietatis Christianæ eximij Oratores  
ad subsellia Ecclesiastica sapius intonabant. A cuius re-  
cto tramite, nec vnguem transversum discedendum puta-  
bat, toties ac toties ingeminando cum altis suspirijs: Do-  
mine ordina vitam meam iuxta velle tuum. Et propte-  
rea immediatè ante euocationem è carcere mundi huius,  
discutiebat corde & voce libera, melos illud: Horrendum  
est incidere in manus Regis viuentis; cuius infimam crea-  
turam se esse & reputabat, & protestabatur. Hinc ille in vi-  
ta non precio, non gratia, non metu, non periculo, non si-  
multate à suis continendis & alienis coercendis defectibus  
abducebatur, sed constanti affectu pro honestatis ac virtu-  
tum limitibus quàm latissimè diducendis, diligenti curâ  
insudabat atq; inuigilabat. Cùm autem partim auariti-  
am, partim iniustitiam, partim incontinentiam, cæterosq;  
vitiõrũ tumultus oriri, sapius ac succrescere exaudiebat,  
efficacissimis redargutionibus, iucundis monitis, grauif-  
simis obtestationibus, & domi & foris, tum quoq; in Exe-  
dris Ecclesiasticis utebatur: & talium resignationem, mira-  
vi dicendi audientibus persuadebat; malebatq; experiri  
odia, angores, asperitates, quàm officij sui partem aliquam  
intermittere. Quia verò tam felix in persuadendis inta-  
minatæ vitæ regulis erat, consequens est, eum ipsum intra



terminos Christianæ vocationis, & Sacerdotalis dignitatis  
(qua ille insigniri ætatis suæ anno XXXII sollicitè cura-  
uit) magno cum exemplo aliorum, vitam suam traduxisse.  
Vos in testimonium voco, qui familiaritate eius vtebami-  
ni: an non detestabatur fucos ambitionis? an non fugie-  
bat arrecti supercilij nota consignatam æmulationem?  
quorum alterum ex scientiarum ac rerum multiplicium  
copioso vsu; alterum ex rebus ad mentem fluentibus cō-  
muniter proficisci experimur. At ille æqua lance, &  
suos & extraneos ab ingenij fæcunditate collectos fructus  
librabat, metiebatur: æquam in rebus arduis, molestis,  
fastidiosis, seruauit mentem: æquo vultu vtramq; excipie-  
bat fortunam. Ob eiusmodi verò æquilibrij rebus in  
agendis prudentem & ordinatam pensitationem, concor-  
dibus votis deferebat illi Acadēmia nostra, Rectorale mu-  
nus, quotidianis scatens difficultatibus: quod ille, cum ac-  
clamatione Ordinum suscipiens, interposita omni fide-  
litate & vigilantia, sedecies magno cum emolumento Vni-  
uersitatis iucundissimè administrauerat. Non diffiteor  
eo in officio plurimos quosuis extitisse felices, nec ille vn-  
quam extitit infelix: nisi hoc infelicitati foret adscriben-  
dum; quòd fatum extremum ad Sceptra Academica in vl-  
tima vitæ ipsius statione, Vniuersam Iurisdictionem ab eo  
repetijisset. O diem perpetuis luctibus complendam!  
quâ Inclyta Vniuersitas à tanto Viro derelicta est; qui ad-  
miranda ingenij fæcunditate pollebat, iudicio autem  
plusquàm humano cæteros superabat: vnde, ac si è prom-  
ptuario variarum rerum abundantia refertissimo, cui-  
bet & promere, & vsibus suis applicare erat honorificum.

O tem-



O tempus iniquum! quod etiam si duplicasset, aut triplicasset ætatem, non tamen ille diutina annorum computatione grauatus, sed currenti atq; contracto tempore, breuiter nobiscum commorari existimaretur. O morbum peracutum! qui vix vno Critico die elabente Matris nostræ Academiæ (permittatis Viri Humanissimi absque omni notâ adulationis eloqui) Patrem exanimauit: qui autumnali suo furore, Lumen & Columne Vniuersitatis dispulit, sustulit, extinxit. Lumen & Columnen inquam: siquidē illius dicendi grauisima facultate, tenebricosi susurrones, ac si radijs solaribus abigebantur, insidiæ autem & technæ, magno cum omnium nostrum applausu detegebantur. Appello Vestram fidem Viri Humanissimi: qui Generalissimis Comitibus, sub tempus Felicissimæ Coronationis Serenissimi Regis V L A D I S L A I I V. Academicarum libertatum Munificentissimi Confirmatoris, præfentes aderatis: an ille laboriosissima munia deserebat? an incolumitatem Academicam saluti suæ postponebat? an non modis iustis instructissimos libertatis nostræ osores, libero & hilarisermone emolliebat? demulcebat? sospiebat? an non denique seipsum euiscerasset? pro integritate Ordinis Iagellonici, cuius bonum ad vltimam vitæ metam promouere intendebat. Ipsi parietes eo tempore, (dixero distinctius) ea horâ, qua, ad patriam illam cælestem incolendam euocabatur: cum lachrymas per naturam denegatas effingere non potuissent, strepebant: quasi lugentes, ob discessum longinquum sui Magistri, cuius præsentia, spiritu, voce, explicationibus Iurium nodosorum replebantur, condecorabantur. Quod si libet hoc in lo.



in loco, quoniam dignissima res est, nec aliena à proposito,  
Doctrinam eius, laboribus oppletam, leui penicillo adum-  
brare: existimo Athenas illud per antiquum Domicilium  
Musarum, non maiorem eruditionem continuisse; quan-  
tam hic Vir omni genere artium excultus, siue intra siue  
extra penates domesticos, siue ad Aras Sacras Diuorum,  
siue ad Professionum conuentus, varijs ingenijs, diuersis  
animis, instillabat. Eam ob causam ille Sapientum Ma-  
gnes (Parisiensem Academiam à qua nostra profluxit in-  
telligo) demirabatur huius Viri eruditum animum; quan-  
do non solummodò spinosas difficultates Philosophicas  
luce palàm aperiebat, sed quoque publicis disquisitioni-  
bus præmissis, publicum honorem, (Doctoratum scilicet  
in Philosophia,) apud gentem exteram, affecutus est. Ad  
quam honoris amplitudinem, Auunculi sui Dignissimi  
**IOANNIS STEPHANSKI** Canonici Sandomi-  
riensis, ijs in oris tum temporis commorantis, beneficentiâ  
liberali erat excitatus. Inde ferebatur in personam illius  
oculo immoto, Sol aliarum Urbium Roma; in qua iucun-  
dum reputauit hic Vir, intra Beatorum Sacros cineres Do-  
ctoratum Iuris Vtriusq; ambire, & ætatem suam vtiori-  
bus pijs exercitijs quotidie occupari. Postquam verò  
reuocauit mentem patrio Gymnasio adherere, in quo  
scientiarum ambrosia lactatus fuit, vix puluerem itinera-  
rarium abrogauit: mox Amplissimum Capitulum Cracoi-  
uiense, ingenij nobilitate perspecta; Cleri Diæcesani disci-  
plinam, libenter ei commisit: cui fidelem operam nauans  
felices surculos, Vniuersæ Diæcesi Cracouiensi submini-  
strauit. Tandem crescentibus laboribus, & annis  
terdenis



terdenis & nouem suadentibus, Coronâ Cracouiensis Canonatus, tempora eius permisit adornari. Perspexerat enim Venerabile Capitulum, fuisse collocatam summæ eruditionis Sedem in capite ipsius, & ideò congruum ducebat, boni Professoris merita, bonis præmijs coronari. Si autem aliquis expressiùs eruditam eius Mineruam assequi cupit; reuocet in mentem ordinem dispositissimum, simul cum elencho copioso, nobilissimorum quorumuis in scientijs illustrioribus Authorum ac Interpretum: è quibus ceti apud florilega, succum melleæ veritatis in aluaria, tam Ecclesiastica quàm Academica, libentissimè deportare solitus erat. Hinc namq; muniebatur præsidijs, ad elaboratam vim dicendi, quam in Ecclesijs & Professionibus, (quibus veluti cōsultissimus Prometheus Caucaseo monti applicatus fuit) pro dignitate & honore profitebatur. Non ille auream aut argenteam supellectilem, non elaborata domus ornamenta, procurabat; sed his omnibus, diuitias ex sapientissimorum virorum ingenijs collectas, præponebat & anteferebat. Didicerat quippe gloriam auro & argento acquisitam, stultitiæ imaginem esse; & propterea veluti fumum & vimbram cadentem assis æstimabat. Quid obsecro valet copiosum aurum? quid cumulatū argentum? hæc namq; cum morte ad imperium alterius cedunt, & suorum aucupum obliuiscuntur: at ingenij thesaurus, etiam multis sæculis præterlabentibus, nusquam à suo possessore, & per diram mortem abstrahi potest. Voluebat sæpiùs in mente hanc rerum mutabilem vicissitudinem, quemadmodum ex huius viri infracto animo conijcere possumus: Cū enim quodam

B

tempore



tempore ipsi significaretur Præstimoniales aut potius vil-  
lanas ædes, improuisa flammâ conflagrauisse: non ille ex-  
citauit furiales affectus, indagando cuius causâ, aut quo-  
modo factum, sed quasi leues & minimè asperos rumores  
excipiens; constanter respondit: Non tantum nostri redi-  
tus, sed nos ipsi in manibus Domini sumus. O dignam  
resignationem affectuum à natura nobis infortiorum in ma-  
nus Domini! cuius resignationis fortasse frequentiore  
usum habens, pectus suum ab affectibus durioribus custo-  
diebat, seque totum & sua omnia, Creatori offerebat, & sic  
gratissimus piarum virtutum odor, fata suprema accelera-  
uit. Sed redeamus ad id, à quo paululum discessimus: ni-  
mirum ad considerationem eruditæ mentis, cuius vi post-  
quam intellexisset Tremendum Sacrificium potissimum  
linguis tribus constare; applicato corde simulque ætate ad  
oneranda Altaria sacris votis, contulit ingenium, ad perci-  
piendam partim Iudæam, partim Græcissimam, partim Lati-  
nam interpretationem, quod magis promptior efficeretur,  
non tantum ad mysteria Diuina ritè intelligenda, aut con-  
siliiorum Dei abdita populo diuulganda; sed etiam ad Le-  
gum varietatem, luriū difficultatem, Contractuum volubi-  
litem, Obligationum rati habitationem, fructuosius Regni  
nostri accolis manifestandam. Testantur id Libri non  
contemnendi, quos nocturnis diurnisque vigilijs, partim ar-  
doribus æstuantis Planetæ, partim niuibuscandentibus  
ultrâ ætatis suæ commoditatem, pro Deo & Academia of-  
ficiosè posteritati tradidit. Testatur Iuris vtriusque peri-  
tia, ob quam ad Synodale administrandum munus Com-  
missariale, à Magnis Viris erat deputatus. O si Parcæ in-  
discretæ



discretæ filamenta ætatis tuæ produxissent! Doctor Iuriū  
peritissime: Sacerdos amplissime: condecorares longiūs  
& Sedis Regiæ Custodem Cathedram, & Musarum Polo-  
narum olympum: in quo, non vndena lustra & annos duos,  
sed centenos prætergressus, vberimam messem tuorum  
laborum posteris legauisses, reliquisses. Sed quantula est  
grato animo & inexplicabili affectu, sumunt tui Amici, &  
Confratres, Collegæ: cū verò per tempus illa ingenij &  
iudicij tui argumenta licebit intueri; exosculati ipsa, tibi  
sæculum incomputabile infinitæ æternitatis, comprec-  
cabuntur. Quoties verò tuam vitam, tuum pectus, tuos  
oculos, tuam eruditionem, successores deprædicabunt;  
toties figent spicula cordibus tuorum sanguine coniun-  
ctissimorum; qui non tantū in hac recenti ad superam  
Academiā promotione, sed dehinc postea, quando se  
destitutos audient Viro incomparabili; collachrymationi-  
bus tuam recordationem implebunt, & nunquam tui no-  
minis mentionem absq; pijs suspirijs fieri patientur. Glo-  
ria enim tua durabit in Consultissimo Viro Artis Medicæ  
Professore, CHRISTOPHORO NAYMANOVICIO  
Germano carissimo; Manebit in Nepotibus, altero tui  
nominis, altero Parentis sui connominis, vtriusq; obligatis-  
simis: ob illum affectum, quo eosdem semper & vbiq; pro-  
secutus es. Habuissent profectò dignissimum Informa-  
torem, si fortuna eos toruo aspectu, in orbitate Patroni  
singularis non in fascinauisset. Neq; etiam oblitterabitur  
tuus ille viuus candor, in pectore Consultissimi per Ius  
vtrumq; Viri, STANISLAI SPINEK; nec in Coro-  
na Vniuersitatis euanesceat; sed virebit, vigebit, nusquam



per memoriā humanam intermoriturus. Condignum  
itaq; est Viri Humanissimi, vt talibus votis respondeant  
euentus. Promeruit enim virtus ipsius, integritas, erudi-  
tio, labor & sedulitas, vt monumentis memoriæ perenni-  
bus interferatur: & quod cardo communis Pietatis exigit,  
pijs sacrificijs confirmetur, efficacissimis precibus ad Aras  
Diuorum persolutis consoletur. Si autem Spiritus eius  
certorum debitorum exsoluendorum causā detinetur,  
ferte citi vota, accendite sacros ignes, date preces, suffra-  
gami animæ Confratris Vestri: quū soleat ad illum  
locum æternæ felicitatis, præoccupari transitus morā diu-  
turna, priusquam ad minimum obellum fuerit persolutū.  
Cæterum alta spe concipiendum est, migrauisse illius ani-  
mam ante conspectum Rectoris Omnipotentis, eò dun-  
taxat momento, quo à corporalibus exuijs secessit. Ipse  
enim dies, quo hic Vir summum diem attigit, partim ce-  
lebritati D. Clementis; partim honori Virginis ac Matris  
Dei Sanctissimæ dicatus; erigit nostram fidem: eum, con-  
tinuò interpellantibus Angelis pacis, accessisse, ad Iudicē  
Clementissimum, qui omnes ipsius defectus, non stric-  
tā nec seuera Iustitiæ virgula, sed clementi Misericordiæ in-  
effabilis calculo, leuiter est dissimulaturus. Quamobrem  
cōnumeratus cælestibus incolis, gratam suam testatur vo-  
luntatem hæc parentalia intuens; & Amplissimi Capituli  
Cracouiē. Illustribus ac Reuerendis Patribus, amantis-  
simis Confratribus; Almæ Vniuersitatis distinctis Ordini-  
bus; ad extremū Amicis carissimis, & gratissimum & vl-  
timum intonat Vale.



num  
eant  
udi-  
nni-  
igit,  
Aras  
eius  
etur,  
fra-  
lum  
diu-  
utū.  
ani-  
lun-  
Ipse  
ce-  
atris  
on-  
dicē  
ictā  
e in-  
rem  
vo-  
tuli  
ntif-  
lini-  
vl-

Biblioteka Jagiellońska



stdr0016657



